

qui, ut est in libro Angliæ Censuali, castrum construxit: veruntamen cum Henricus Tertius hoc è cineribus excitaret, (subverterant enim Walli anno Salutis CIOXCIV interfectis praesidiariis, jacuitque permultos annos) illum à loci situ *Montem Gomericum* nominasse fabulatur Florilegus. Certum autem est, Henricum illum Tertium per diploma concessisse, ut *Burgus de Montgomery sit liber Burgus cum aliis libertatibus*.

Anno XI  
Corndon  
hill.  
\* *Magifold*  
vulgo vo-  
cant.  
*Welchpoole*.  
Red-  
Castle.

Iuxta hoc *Corndon* collis in cacumen satis excelsum adsurgit, in cuius summitate saxa quædam in coronam, unde nomen habet, in alicujus victoriæ, ut videtur, memoriam, collocantur. Superius Sabrina *Trellin* allabitur, id est *Oppidum ad lacum*, unde *Welchpoole* Anglis nuncupatur, castrum ab Austro adjunctum habet à subrufo saxo quo construitur *Castle Coch* appellatum, quod uno mœnium ambitu duo castella complectitur, alterum Domini Powisiæ erat, Baronis *Dudley* alterum. *Caduganus* filius *Blethini* celebratissimus, quem dixi, Britannus, dum hujus constructioni intenderet, à nepote *Madoco* (ut est in *Lancarbanensis* epitome) fuit interfectus. Huic è regione altera fluminis ripa objicitur *Buttington*, Danorum Hybernis notum, è quo *Adheredus Merciorum* Comes illos anno Christi DCCCXCIII exturbasse author est *Marianus*. His relictis in Ortum paulatim se flectit Sabrina, ut *Tanet* fluviolum citius excipiat, quo consociato, *Salopenses* adit.

Hoc in agro Ordevicum *MEDIOLANVM* fuisse, quod & *Antoninus*, & *Ptolemæus* celebrant, est mihi persuasissimum, quia verissimum videtur. Cujus vestigia sagaciter odoratus sum, sed indagine parum felici, ita urbium etiam cadavera absunt ætas. E situ tamen si conjecturæ sit locus, cum compertissima sunt oppida, quæ utrinque ponit *Antoninus*, scilicet hinc *BO-NIVM*, nunc *Bangor* ad *Devam*, inde *RVTVNIVM*, nunc *Roxton Castle*, ab hoc enim XII, ab illo XX Italicis milliariis separat; Positionum, si ita dicere liceat, vel potius distantia lineæ se mutuo inter *Matrafal*, & *Lan-Vethlin*, quæ vix tribus distant mill. pass. interfecant, & quasi *moderum* *Mediolani* nostri situm demonstrant. Hæc enim ratio eliciendi tertii loci situm è duobus cognitissimis incerta esse non potest, cum neque montes interjaceant, nec itinerum flexus sit impeditus. *Matrafal* hæc, quæ quinis à Sabrina ad Occasum abest milliariis, & quod vetustati ex parte suffragetur, licet nunc nudum sit nomen, Principum Powisiæ Regia sedes erat, & ea quidem à scriptoribus celebrata, qui memorant in ea à principibus jam relicta, *Robertum de Veteri ponte*, sive *Vipont* Anglum castrum condidisse. *Lan-vethlin* vero, id est fanum *Vethlin*, oppidulum mercatorium, etsi à linearum intersectione sit paulo remotius, nominis tamen cognatione, cum *Mediolano* multo est conjunctius, *Vethlin* enim ex *Methlin* linguæ Britannicæ Idiotismo factum est, ut ex *Caer Verden*, ex *Caer Merden*, *Arvon* ex *Ar-mon*.

Matrafal.

Lan-vethlin.

Nec *Methlin* magis à *Mediolano* abludit, & dissonat, quam vel *Millano* in Italia, *le Million* in *Xanctonibus*, vel *Methlen* in Belgis, quæ omnes urbes *Mediolani* nomine olim insignes fuisse nemo dubitat. Quæ vero conjectura ad veritatem sit propensior, tuum erit dijudicare, mihi satis est conjectare. Si hoc nostrum *Mediolanum*, & illas ejusdem cognominis in Gallia urbes, vel *Medum Ducum*, vel *Olanum* principem construxisse, aut dum construerentur, suam mediatis lanatam effossam dixerim, nonne nubes & nugas captare viderer? & hæc singula tamen de suo *Mediolano* scriptitant Itali. Sed cum hæc ab ejusdem linguæ populis constructa fuisse sit certo certius: (Gallis & Britannis communem linguam fuisse docuimus) eandem ob causam eandem habuisse denominationem satis probabile. In nullo tamen, quod sciam, *Mediolanum* nostrum cum illa Italiae convenit, nisi quod planitie inter rivulos interfi-deat utraque, Italique non indoctus ex eo *Mediolani* sui nomen duxit, quod sit urbs media inter *Lanas*, id est, inter fluviolos, ut interpretatur ille.

Suo nomine, titulo, & honore hic ager *Comitem* insignivit nullum, donec nuperrime Anno CIOXCV Rex *Iacobus Philippum Herbert* filium natu minorem *Henrici Comitis Penbrochiæ* ex *Maria Sidneia*, pro singulari & propensa in illum voluntate, & spe quam de illius virtutibus concepit maxima, uno eodemque tempore *Baronem Herbert de Shurland & Montis Gomerici* Comitem apud *Greenwicum* creavit.

Comes  
Montis-  
Gomerici.

*Powisiæ* autem *Principes* à tertio filio *Rotherici Magni* prognati hunc agrum cum aliis (licet *Rogerus* & *Hugo Montgomerienses* partem nonnullam abrasissent) perpetua serie ad *Edwardi Secundi* tempora tenuerunt. Tunc enim *Oë-nus* filius *Gruffini ap Guerywyn* è Britannico sanguine ultimus *Powisiæ* Dominus (Principis enim nomen jam pridem exoleverat) *Hawisiam* unicam filiam reliquit, quam *Ioannes Charleton* Anglus Regis *Valectus* duxit, & uxorio jure Dominus *Powisiæ* ab *Edwardo II* factus erat, qui (ut plurimis locis vidimus) *Leonem* rubrum insurgentem aureo in clypeo gerebat. Hujus posterum masculi quatuor hoc honore claruerunt, donec in *Edwardo* mascula successio abolita fuisset. Ille enim ex *Aleonora Thomæ Holand* *Comitis Cantii* filia, & una hæredum suscepit *Ianam* uxorem *Ioannis Grey* Equitis, & locosam conjugem *Io. Domini Tiptoft*, unde *Barones Dudley* & alii genus duxerunt. *Ioannes* ille *Grey* militari virtute, & beneficio *R. Henrici Quinti* Comitatum *Tanquer-ville* in Normannia accepit habendum sibi & hæredibus masculis, reddendo unum *Basinet* ad castrum *Rothomagi*, in festo *S. Georgii* singulis annis. Huic natus erat *Henricus* Dominus *Powisiæ*, in cuius prosapia *Powisiæ* titulus ad *Edwardum Grey*, qui nostro fere tempore sine sobole legitima diem obiit supremum, cum honore permansit.

Principes  
Powisiæ.

Powisiæ  
Domini.

David  
Powel.

Dupli.  
Norm.  
6 Hen. 5.  
Tanquer-  
ville Co-  
mes.

Paræciales Ecclesias ostendit 47.